


А. КОНОНОВ

Смольный





А. Кононов

Славный




КОМИ КНИЖНОЙ ИЗДАТЕЛЬСТВО
СЫКТЫВКАР · 1966

P 2
K 64

А. К. Копылов

См. также





Бліса сибірскöй сиктысь муніс Петроградö пöрысь крестьянин. Туйын сійö быдöнлы висьтавліс, мый му-
нö Ленин дінö. Сылы колö сёрнитыштны Ленинкöд
крестьяналöн олөм-вылөм йылысь.

Дыр старик вöлі туйын. Бөръя помын воис Петро-
градö.

Видзöдö, уличаяс пölөн сулалöны винтовкаа рабо-
чöйяс. Муніс музыкаөн салдатъяслөн полк; полк во-
дзын нуисны зэв ыджыд гöрд знамя.

Старик матыстчис красногвардеец дінө да юалис:
— Кызди тайос колө гөгөрвоны?

Сійө вочавидзис:

— А сідз: өні миян Сöветскöй власть.

Мөдөдчис старик улича кузя, кутіс юасыны, кы-
тысь аддзыны Ленинос.

Шуоны:

— Смольнöйысь.

Дыр муніс сійө став кар пырыс и локтіс зэв ыджыд
керка дорö. Керка дорын ломтысисны бипурьяс, су-
лалісны пулемётьяс. Пулемётьяс дорын ветлөдлісны
матросьяс да салдатьяс.

Тайö и вöлі Смольнöй.

Сьөлөм вылас воис стариклы өти томиник матрос.
Сійө пыр тэтшкөдіс коклябөрьяснас мостөвöй кузя,
кучкаліс кык ки воча — шонтысис: вöлі көдзыд, море-
сянь пöльтіс чизыр төв.

Старик шыасис сы дінö:

— Меным эськө Ленинос аддзывны.

Матрос видзөдліс сы вылө коксянныс юрөдзис:

— А тэныд мыйла колө Ленин дінö?

— Локті висьтавны сылы аслам олөм йылысь.

— Мун, старик, комендант дінö пропускла,—
шуис матрос и петкөдліс кытчö мунны.

Пос вылын сулаліс комендант дінö очередь. Пась-
кыд пос тшупөдьясыс вöліны визьöсь, няйтöсь —
тыдалö, уна йöз ветлісны на кузя лун чөжөн.

Комендант гижаліс пропускьяс ньöжмыда: сьлөн
киясыс велалөмаөсь кутны винтовка, перөсö сійө ку-
тіс став витнан чуньнас, кужтөма, полөмөн.

Босьтіс старик пропуск, муніс корсьны Ленинос.

Смольнöйлөн улыса судтаас рабочöйяслы да сал-
датьяслы сөталісны оружие. Öтиөн-өтиөн найö ма-
тыстчылісны кузь тушаа, гажа салдат дінö, босьтісны



винтовка да патронъяс, кырымасисны да петісны ыв-
лаӧ. Сэні найӧ сувталісны отрядъясӧ да муналісны.
Кӧнкӧ ылын gryмакылісны пушкаяс: Петроград до-
рын мунісны бойяс.

Старик юаліс кузь тушаа салдатлысь, кӧні Ленин.
Салдат нюммуніс да вочавидзис:

— Комын квайтӧд комнатаын.

Комын квайтӧд комната ӧдзӧс дорын сулалісны
пос вылын часӧвӧйясӧн кык красногвардеец: пӧрысь,
уска, сьӧд пальтоа рабочӧй да дженьыдик пася том
зон.

Старик шуис налы:

— Меным эськӧн Ленинӧс аддзывны.

Уска рабочӧй видзӧдліс старик вылӧ и шуис:

— Восьлав веськыда коридор кузя. Ленин ыджыд
залын кутас сёрнитны.

Сӧмын ӧні старик казяліс, мый ставныс мунісны
коридор кузя ӧтарланьӧ. Сійӧ мӧдӧдчис сэтчӧ жӧ да
аддзис коридор помын еджыд, паськыда восьтӧм
ӧдзӧс. Ӧдзӧс дорын сулалісны уна йӧз.

Старик кутіс писькӧдчыны водзлань и сӧмын
на веськаліс залӧ, кызди кыптис зэв ыджыд шум. Ста-
рик эз пырысьӧн гӧгӧрво, мый лоис. Видзӧдӧ: гӧгӧр
горзӧны, клопайтӧны, шенасьӧны шапкаясӧн. И тайӧ
мича залас унджыкыссӧ прӧстӧй йӧз: шинельяса, дже-
ньыд пасьяса, матросскӧй бушлатъяса.

И ставыс горзӧны:

— Ленин! Лени-и-ин! Ленин!

Старик нюзӧдчис кок чуњяс вылас да аддзис—
зал мӧдарладорас Ленин.

Владимир Ильич сулаліс неыджыд мыльктор вы-
лын. Сійӧ виччысис, кор помасяс горзӧмыс. Сэсса лэп-
тіс кисӧ — корис лӧньлун.

Но зал гыаліс, йӧз эз лӧньны.

— Ленин!.. Мед олас Ленин!

Владимир Ильич зумыштчис. Сэсся эз вермы кутчысыны — да нюммуни́с. Горзём нёшта соди́с.

Ленин пасько́дліс киясё. Виччысы́штіс неуна. И бара лэ́птіс веськыд кисё. Сэсся, тыдалё, шуис аслыс пы́дди не пуктыны шумсё, копыртчы́штіс водзлань да кутіс сёрнитны. И сэки залын пыр жё лои шы ни төв.

— Ёртъяс!— шуис Ленин.— Рабочёй да крестьянско́й революция, кодлён коланлун йылысь пыр сёрнитлісны большевикъяс, лоис...

Ленин сёрнитіс выль оло́м йылысь, со́ветско́й власть йылысь, сы йылысь, мый война ко́ло помавны, мый мусё ло́о мырддьо́ма помещикъяслысь да сето́ма крестьяналы.


Старик кывзіс. Владимир Ильичлөн быд кыв вёлі го́гөрвоана сылы.

Помали́с Ленин речсё. Стариклы то́д выло́ усис аслас сиктыс: ко́ло сэні висьта́вны Ленинлөн кывъяс йылысь. И сійо́ мо́додчис коридор кузя — корсьны ули́ча выло́ лэччо́дысь паськыд поссо́.

Кодко́ чукко́стіс сійо́с. Тайо́ вёлі том матрос, ко́ди сулаліс о́нтай Смольно́й дорын.

— Но мый, папаша, сёрнитін Ленинко́д аслад оло́м йылысь?— юали́с сійо́ серало́мөн.

— Эг,— вочавидзис старик.— Тайо́ Ленин сёрни́тіс меко́д менам оло́м йылысь.



для младшего школьного возраста

Александр Терентьевич Кононов

В С М О Л Ь Н О М

Р а с с к а з

На коми языке

Перевел с русского
Леонид Васильевич Потолицын.

Художник В. Н. Мамченко.

* * *

Редактор В. А. Попов

Техн. редактор И. Г. Цивунии

Худож. редактор М. П. Безносков

Корректор А. А. Надуткина

Сдано в набор 2/VI-1966 г. Подписано к печати

16/VII-1966 г. Бумага лит. 60×84¹/₁₆ Печ. л. 0,5.

Бум. л. 0,25. (Уч.-изд. л. 0,3) Тираж 1500.

Заказ № 3140 Цена 3 коп.

* * *

г. Сыктывкар, Республиканская
типография Управления по печати
при Совете Министров Коми АССР.

3 коп.

КОМИ КНИЖНОЙ ИЗДАТЕЛЬСТВО • 1966